



KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

BOSNA I HERCEGOVINA
FEDERACIJA BOSNE I HERCEGOVINE

KANTON SARAJEVO
Grad Sarajevo
GRADSKO VIJEĆE

Hamdije Kreševljakovića 3
71 000 Sarajevo

Broj: 1220/23-Z-16-18

Datum: 14.8.2023..

Bosna i Hercegovina-Federacija Bosne i Hercegov.
Kanton Sarajevo - GRAD SARAJEVO
GRADSKO VIJEĆE

PRIFILAVENOL: 18. AUG. 2023			
Org. jed.	Broj	Prilog	Vrijednost
01-GV-04	1116-2.7.1		23

Predmet: Informacija o pravnom statusu i mogućnosti gradnje na području Trebevića, dostavlja se-

Poštovani,

Kantonalni zavod za zaštitu kulturno-historijskog i prirodnog naslijeđa Sarajevo je dana 9.8.2023. godine zaprimio obavijest (broj: 01-GV-04-1116-2.7/23 od 26.7.2023.godine) o inicijativi Odbora za lokalni biznis i turizam Gradskog vijeća Grada Sarajeva (broj: 04-GV-04-1116-2.2/23), a koja se odnosi na sprječavanje gradnje na području Trebevića. S tim u vezi, dostavljamo Vam podatke o pravnom statusu područja Trebevića i definisanim mjerama zaštite:

Rješenjem Zemaljskog zavoda za zaštitu spomenika kulture i prirodnih rijetkosti N.R. Bosne i Hercegovine, broj: 682/54 od 3. juna 1954. godine, područje Trebevića „kao objekat vanredne ljepote i kao prirodna rijetkost stavlja se pod zaštitu države“.

Shodno članovima 134., 144. i 145. Zakona o zaštiti prirode Federacije BiH („Službene novine Federacije BiH“, broj 66/13), na osnovu Studije: *Valorizacija prirodnih vrijednosti područja Trebević* (2012.), na prijedlog Kantonalnog zavoda za zaštitu kulturno-historijskog i prirodnog naslijeđa Sarajevo, Skupština Kantona Sarajevo je 2014. godine područje Trebevića proglasila zaštićenim prirodnim područjem V kategorije - Zaštićeni pejzaž (Zakon o proglašenju Zaštićenog pejzaža „Trebević“, „Službene novine Kantona Sarajevo“, broj 15/14). Članom 3. navedenog Zakona utvrđen je prostorni obuhvat ovog zaštićenog prirodnog područja ukupne površine 400,2 ha. Granica prostornog obuhvata podudama je sa međuentitetskom granicom na istočnoj, južnoj i zapadnoj strani, dok sjevernu granicu zaštićenog prirodnog područja predstavlja granica urbanog područja Općine Stari Grad Sarajevo. Granice prostornog obuhvata ne odgovaraju prirodnim granicama ove prirodne cjeline, već međuentitetskoj granici. Prema dostupnim informacijama, Vlada Republike Srpske je 2022. godine područje planine Trebević površine 5.036,37 ha proglasila zaštićenim pejzažem, kategorija V – park prirode. Prostorni obuhvati ZP „Trebević“ i PP „Trebević“ prikazani su u prilogu ovog akta.

Shodno članu 155. Zakona o zaštiti prirode FBiH donesen je Plan upravljanja Zaštićenim pejzažem „Trebević“ (Odluka o donošenju Plana upravljanja Zaštićenim pejzažem "Trebević", "Službene novine Kantona Sarajevo", 23/17), u okviru kojeg je definisana politika upravljanja prostorom, koja je bazirana na usluzi očuvanja ekosistema i vrsta, uz uslugu koja se može pružiti širokom spektru zainteresiranih strana. S tim u vezi, u cilju očuvanja ekosistema i vrsta razvija se i obnavlja **isključivo postojeća infrastruktura** u prostoru, što znači da je neophodno dugoročno ograničiti proširivanje smještajnih kapaciteta, a posebno izgradnju novih koji nisu u

funkciji zaštite prostora. Potrebno je ograničiti i odvijanje motornog saobraćaja u Zaštićenom pejzažu, a isti zamijeniti javnim gradskim saobraćajem (žičara, minibus i sl.). Dodatni izgradnja smještajnih kapaciteta (hoteli, moteli i sl.) nije potrebna iz razloga blizine zaštićenog područja gradu i samom centru, u kome su izgrađeni takvi objekti. Iz tog razloga neophodna je bolja promocija Zaštićenog pejzaža u gradskim ugostiteljsko-smještajnim jedinicama, iz kojih se gosti mogu usmjeriti prema ovom zaštićenom području.

U okviru opštih mjera definisanih za sve zaštićene zone ZP "Trebević" ističemo slijedeće mjere zabrane:

- "Zabranjuje se gradnja novih objekata koji nisu u funkciji očuvanja područja. Postojeći objekti (osim dolazne stanice žičare) se obnavljaju u istim gabaritima kao što su nekada i bili. Namjena ovakvih objekata se ne smije promijeniti, izuzev postojećih objekata u Zoni III, te prenamjene objekta za potrebe KJUzZPPKS. Kapaciteti postojećih objekata u funkciji se ne smiju proširivati."
- "Ni na koji način se ne smiju uništavati ili oštećivati evidentirane vrijednosti unutar područja."
- "Zabranjena je sječa šume, osim sanitarne i osim dijelova na kojima je planirana izgradnja objekata u funkciji očuvanja područja."

Također, napominjemo da sukladno Članu 15. Zakona o zaštiti prirode FBiH, na zaštićenom području nije dozvoljena prenamjena zemljišta koja nije u skladu sa dokumentima prostornog uređenja. Članom 154. istoimenog zakona propisano je da se organizacija prostora, način korištenja, uređenja i zaštite prostora uređuje prostornim planom područja posebnih obilježja, koji prati politiku upravljanja prostorom i primarne i ostale ciljeve zaštite područja, a trenutno je u fazi izrade za ZP "Trebević".

S poštovanjem,




Prilog:

- Izvod iz web servisa informacionog sistema FBiH i RS (prostorni obuhvati ZP „Trebević“ i PP „Trebević“)

Dostaviti:


- Naslovu
- Službi zaštite
- Arhivi



KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEDA
SARAJEVO

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

Prilog I: Prostorni obuhvat Zaštićenog pejzaža „Trebević“¹



¹ Izvor: Web servis Informacionog sistema zaštite prirode Federacije Bosne i Hercegovine (ISZP-FBiH), <http://e-priroda.fbih.ba/en/protectedsites/>

71000 Sarajevo, ul. Josipa Štadlera 32; tel: (+387 33) 475 020 fax: 475 034; E-mail: heritisa@bih.net.ba, www.sptomenici-sa.ba

ID broj: 4200004140005

Prilog II: Prostorni obuhvat Parka prirode „Trebević”2



2 Izvor: Web servis Informativnog sistema zaštite prirode Republike Srpske (ISZP-RS), <http://e-priroda.rs.ba/>
71000 Sarajevo, ul. Josipa Stadijera 82; tel: (+387 33) 475 020; fax: 476 034; E-mail: helisa@bih.net.ba
www.spomenici-sa.ba